



CYNLLUN PONTIO CLWSTWR LLANHARI

2022 – 2023

Dyddiad Cyhoeddi: 1 Medi 2022

Grŵp Llywio'r Cynllun Pontio

Penaethiaid yr ysgolion Cynradd cysylltiedig a Phennaeth Ysgol Llanhari :

Mrs Meinir Thomas	Ysgol Llanhari
Mr Gareth Evans	Ysgol Gynradd Dolau
Miss Nia Downes	Ysgol Gynradd Gymraeg Tonyrefail
Mr Ryan O'Neil	Ysgol Gynradd Gymunedol Gymraeg Llantrisant

Arweinydd Pontio:

Mrs Cath Webb	Pennaeth Cynorthwyol, Ysgol Llanhari
---------------	--------------------------------------

Staff Allweddol

ALNCo Ysgol Llanhari	Mrs Elin Hobbs
Pennaeth Cynorthwyol Lles	Mrs Elen George
ASC Bl.7	Mr John Rivers

ALNCo Ysgol Gynradd Dolau	Mrs Sally-Anne Leyshon
ALNCo YGG Tonyrefail	Miss Rachel Withey
ALNCo YGGG Llantrisant	Miss Rebecca Jones

Aelodau Pwyllgor y Cwricwlwm

Ysgol Llanhari	Mrs Cath Webb (Cadeirydd)
	Miss Angharad Morgan
Ysgol Gynradd Dolau	Miss Nia Pugh
YGG Tonyrefail	Miss Ceri Hughes
YGGG Llantrisant	Miss Sara Williams

Aelodau'r Is-Bwyllgorau Meysydd Dysgu a Phrofiad

Gwyddoniaeth & Thechnoleg	Cath Webb , Helen Bevan, Daniel Harris, Amy Ryan, Aled Hughes, Anwen Jenkins, Euros Jones
Iechyd & Lles	Angharad Morgan , Elin Hobbs, Kelsey Ryan, Cerys Richards, Sharon Flower, Rachel Withey
Ieithoedd, Llythrennedd & Chyfathrebu	Ceri Hughes , Iwan James, Catrin Rowlands, Emma Goodridge, Elin Jones, Lisa Morrish
Mathemateg & Rhifedd	Sara Williams , Ruth Benjamin/Bethan Evans, Lloyd Owens, Carwyn Jones, Owen Phillips, Nia John
Celfyddydau Mynegiannol	Nia Pugh , Catrin Richards, Geraint Edwards, Bethany Randell, Gwen Nadimi, Emma Burrows
Dyniaethau	Ceri Hughes , Ffion Rowlands/Amy Wride, Llinos Davies, Helen Thomas, Rhian Jenkins

Cynllun Pontio Clwstwr Llanhari

Mae Clwstwr Llanhari yn cydweithio'n llwyddiannus er mwyn datblygu cynlluniau, prosesau a chwricwlwm mewn modd sy'n sicrhau dilyniant a chynnydd i bob dysgwr wrth iddo/i bontio o Flwyddyn 6 i Flwyddyn 7.

Crêd y Clwstwr yn gryf bod adeiladu ar gyrhaeddiad a chyflawniad blaenorol a chefnogi lles dysgwyr wrth iddynt bontio i Flwyddyn 7 yn allweddol i sicrhau fod pob unigolyn yn llwyddo a ffynnu.

Mae'r bedair ysgol yn ymrwymedig i ddiben y cynllun hwn er mwyn sicrhau y profiad addysgol a chymdeithasol gorau i bob unigolyn dan eu gofal wrth anelu i'w gwneud yn ddysgwyr iach, hyderus, uchelgeisiol, creadigol a mentrus a fydd yn barod i fod yn ddinasyddion egwyddorol yn yr unfed ganrif ar hugain.

Lluniwyd y Cynllun Pontio hwn ar y cyd gan Gorff Llywodraethu Ysgol Llanhari ac mae wedi ei gytuno gan gyrff Llywodraethu yr ysgolion Cynradd sy'n ein bwydo, sef Ysgol Dolau, YGG Tonyrefail a YGGG Llantrisant

Y garfan gyntaf o ddysgwyr y mae'r Cynllun hwn yn gymwys ar eu cyfer ydy dysgwyr Blwyddyn 6 sy'n symud i Flwyddyn 7 yn nhymor yr Hydref 2023 (Blwyddyn academiaidd 2023 i 2024)

Diben ein Cynllun Pontio

Diben y cynllun hwn yw cefnogi'r broses o bontio'n carfan gyntaf o ddysgwyr sy'n symud o Flwyddyn 6 i Flwyddyn 7 o dan Cwricwlwm i Gymru.

Mae ein Cynllun yn canolbwyntio ar sut y bydd parhad dysgu'n cael ei sicrhau drwy gynllunio'r cwricwlwm, cynllunio ac addysgu ar gyfer dysgu dysgwyr Blwyddyn 6 o dan y Cwricwlwm i Gymru, a sut y bydd anghenion a lles dysgwyr unigol yn cael eu cefnogi yn ystod y cyfnod pontio.

Anelwn at:

- gefnogi a chryfhau'r cysylltiadau rhwng Ysgol Llanhari a'r ysgolion Cynradd sy'n ein bwydo
- gydweithio i gefnogi cynnydd cydlynol gan ddysgwyr
- ddatblygu dealltwriaeth gyffredin o gynnydd
- gefnogi anghenion lles cyffredinol dysgwyr
- sicrhau cyflymder a her briodol yn y ffordd rydym yn ymdrin â chynnydd wrth ddatblygu'n cwricwlwm a'n trefniadau asesu

Cefnogi a chryfhau'r cysylltiadau rhwng ysgolion y Clwstwr

Yr Arweinydd Pontio sy'n cymryd cyfrifoldeb am lunio calendr y flwyddyn a chydlynu cyfleoedd i Benaethiaid a staff allweddol yr ysgolion i gwrdd er mwyn sicrhau ein bod ni fel clwstwr yn cyrraedd amcanion y Cynllun Pontio.

Rydym wedi llunio a chyhoeddi Crynodeb Cwricwlwm i Gymru ar y cyd fel clwstwr.

Cefnogi cynnydd cydlynol gan ddysgwyr

Trefnir i Bwyllgor y Cwricwlwm ac i Arweinwyr Meysydd Dysgu a Phrofiad sy'n rhan o'n Is-Bwyllgorau Clwstwr, i gwrdd o leiaf unwaith y tymor er mwyn cydweithio i sicrhau continwmm dysgu effeithiol a chefnogi cynnydd cydlynol gan ddysgwyr.

Y Pedwar Diben sydd wrth wraidd cwricwlwm Clwstwr Llanhari a dyma yw ein dyhead ar gyfer bob un o'n dysgwyr. Mae cwricwlwm ein hysgolion yn eang, cytbwys a chynhwysol ac yn addas i ddysgwyr o wahanol oeddrannau, galluoedd a doniau. Mae'n cynnwys cyfleoedd dysgu o fewn ac ar draws bob un o'r Chwe Maes Dysgu a Phrofiad ac yn cwmpasu'r datganiadau o'r hyn sy'n bwysig. Wrth wireddu'r cwricwlwm, byddwn yn meithrin dealltwriaeth ein dysgwyr o'r themau trawsgwricwlaidd a rhown ystyriaeth lawn hefyd i elfennau gorfodol y Cwricwlwm.

Mae sgiliau trawsgwricwlaidd llythrennedd, rhifedd a chymhwysedd digidol wedi'u hymwreiddio drwy'r cwricwlwm a sicrhewn fod digon o gyfleoedd i ddisgyblion ddatblygu, mireinio a chymhwyso'r sgiliau yma ar draws y meysydd dysgu a phrofiad.

Mae cynllunio ein cwricwlwm yn sgwrs barhaus rhwng y bedair ysgol i sicrhau ei fod yn ddilys i'n disgyblion ac yn adlewyrchu anghenion a chyd-destun ein cymunedau. Mae'r dysgwyr yn parhau i fod yn ganolog i'r broses a'u barn yn annatod.

Fel clwstwr, mae trafodaethau, fel mewn blynyddoedd blaenorol, yn allweddol er mwyn sicrhau cysondeb i ddysgwyr ar hyd y continwmm.

Dealltwriaeth gyffredin o gynnydd

Mae Clwstwr Llanhari yn gytûn mai cynnydd o fewn dysgu yw'r broses o ddatblygu a gwella sgiliau, gwybodaeth a dealltwriaeth dros amser. Yr Egwyddorion Cynnydd yw'r sylfaen i'n cwricwlwm o fewn y clwstwr ac mae'r Disgrifiadau Dysgu yn rhoi arweiniad ar sut y dylai ein dysgwyr symud ymlaen ar draws ein continwmm dysgu.

Mae Is-Bwyllgorau'r bedair ysgol yn cydweithio er mwyn sicrhau bod ymarferwyr yn deall sut dylai cynnydd dysgwyr edrych a gweithiwn at ddarparu pwyntiau cyfeirio i lywio'r gwaith o gynllunio a dysgu ac addysgu'r cwricwlwm. Helpa hyn i ymarferwyr feddwl am a defnyddio ystod eang o ddulliau asesu i ddeall cynnydd (e.e. darparu adborth o ansawdd uchel i ddysgwyr, hunanasesu ac asesu cyfoedion). Ni fydd unrhyw un dull asesu yn cipio cynnydd dysgwyr yn llawn ac felly defnyddiwn ystod eang i greu darlun cyfannol o'r dysgwr a'u cefnogi i wneud cynnydd mewn perthynas â chwricwlwm ein hysgolion unigol.

Cytuna'r bedair ysgol mai asesu yw'r broses o edrych ar gynnydd ein dysgwyr. Fel clwstwr, hoffem i'n dysgwyr wybod ble maen nhw ar eu taith ddysgu, i ble mae angen iddyn nhw fynd, a beth sydd angen iddyn nhw ei wneud i gyrraedd yno. Rydym yn cefnogi dysgwyr unigol yn barhaus, o ddydd i ddydd trwy asesu ar gyfer dysgu yn ogystal â nodi cynnydd dysgwyr unigol dros amser.

Bydd dysgwyr Blwyddyn 6 yn cymryd yr asesiadau personol. Mae'r rhain yn rhoi offeryn ffurfiannol i ni fel clwstwr i fyfyrion ar gryfderau dysgwyr mewn darllen a rhifedd, a'r camau nesaf posibl i fwrw ymlaen â'u dysgu. Trefnwn i athrawon Blwyddyn 6 i rannu'r wybodaeth yma am gynnydd yn ystod cyfarfod gyda staff Ysgol Llanhari yn nhymor yr Haf.

Cefnogi anghenion lles cyffredinol dysgwyr

Er yn gyfnod cyffrous, cydnabyddwn bod symud i ysgol / adran newydd yn gam mawr sy'n gallu peri gofid i rai unigolion a'u teuluoedd. Gwnawn ein gorau felly i wneud trefniadau er mwyn helpu i leddfu pryderon yn gynnar yn ystod y flwyddyn academaidd.

➤ Noson Agored a Noson Wybodaeth

Trefnir Noson Agored ar ddechrau tymor yr Hydref ble bydd rhieni disyblion Blwyddyn 6 yn ymweld ag Ysgol Llanhari a chânt gyfle i gyfarfod â'r Pennaeth, y Dirprwy Bennaeth, yr Arweinydd Pontio ac Arweinydd Safonau Cyrhaeddiad Blwyddyn 7. Cânt hefyd gyfle i fynd o gwmpas yr ysgol ac ymweld ag adrannau lle bydd athrawon yn rhoi blas ar ddysgu ac addysgu ar ffurf gweithdy neu gyflwyniad.

Cynhelir Noson Wybodaeth i rieni Blwyddyn 6 yn nhymor yr Haf er mwyn rhannu gwybodaeth allweddol am Ysgol Llanhari.

➤ Diwrnodau Pontio

Trefnir diwrnodau ymweld yn ystod y flwyddyn sy'n helpu dysgwyr i ymgynffwrdd ag athrawon, campws yr ysgol a dulliau addysgu. Cynllunir y diwrnodau hyn fel bo cyfle i ddysgwyr gael blas ar weithgareddau ar draws y chwe Maes Dysgu a Phrofiad.

➤ Gwersi Ieithoedd Rhyngwladol

Trefnir bod un o athrawesau Adran Ieithoedd Rhyngwladol Ysgol Llanhari yn ymweld â Flynyddoedd 5 a 6 bob ysgol o fewn y clwstwr yn wythnosol er mwyn creu perthynas a thanio brwdfrydedd disgyblion cyn iddynt ddechrau ym Mlwyddyn 7.

➤ Ymweliadau Lles

Trefnwn i ALENCo a Phennaeth Cynorthwyol Lles Ysgol Llanhari i ymweld â phob ysgol/adran gynradd er mwyn trafod anghenion lles dysgwyr penodol yn ystod tymor y Gwawyn a'r Haf. Gwnawn baratodau ar gyfer Blwyddyn 7 yn seiliedig ar yr ymweliadau hyn.

Bydd yr ALENCo yn sicrhau bod anghenion penodol disgyblion yn cael eu diwallu ym Mlwyddyn 7. Un o'n prif amcanion yw sicrhau bod parhad mor gyflym â phosibl i'r ddarpariaeth o gefnogaeth a chynhaliadaeth y bu'r disgyblion yn ei derbyn yn y Cynradd.

Amcanir at sicrhau bod cynlluniau yn eu lle ar gyfer disgyblion cyn iddynt gyrraedd Blwyddyn 7 fel bod athrawon yn llwyr ymwybodol o'u hanghenion a'r ddarpariaeth angenrheidiol ar eu cyfer yn syth.

Cynigiwn i reini/ofalwyr disgyblion Blwyddyn 6 i ymweld â'r ysgol yn unigol yn rhydd yr Haf os ydynt yn dymuno. Mae cyfle i ymweld â'r Hafan, a chwrdd â'r Tîm Lles.

Mae ASC Blwyddyn 7 yn cwrdd â disgyblion Blwyddyn 6 yn gyson yn ystod y flwyddyn er mwyn dod i'w hadnabod, i ddod yn wyneb cyfarwydd ond hefyd i ddeall anghenion dysgwyr unigol fydd angen cymorth wrth bontio. Bydd yr ASC yn cynnal trafodaethau gydag aelodau staff allweddol o'r ysgolion Cynradd er mwyn casglu gwybodaeth a chael darlun cyflawn o bob unigolyn sy'n pontio i Flwyddyn 7 ym Medi 2023. Bydd yr ASC yn darparu proffil cyflawn o bob plentyn i Athrawon a Thiworiaid Personol y disgyblion.

Cynllun Pontio Clwstwr Ysgol Llanhari

2022 i 2023

Prif nodau ein Cynllun Pontio

Mae nodau ein Cynllun Pontio yn dangos sut byddwn yn anelu at sicrhau'r deilliannau canlynol wrth i ddysgwyr Blwyddyn 6 bontio i Flwyddyn 7:

- ✓ Sicrhau parhad dysgu
- ✓ Cefnogi anghenion dysgu dysgwyr unigol
- ✓ Cefnogi cynnydd dysgwyr unigol
- ✓ Cefnogi anghenion lles dysgwyr unigol

Adolygu a Monitro

Ar y cyd gyda staff allweddol yr ysgolion Cynradd, bydd yr Arweinydd Pontio yn adolygu a monitro effaith y Cynllun Pontio.

Amcan	Pryd?	Deilliant
Cynnal Cyfarfodydd Llywio i Benaethiaid a staff allweddol y clwstwr unwaith y tymor	22 Medi 2022 18 Ionawr 2023 25 Ebrill 2023	Cydgysylltu a rheoli'r broses bontio Gwerthuso effaith y Cynllun Pontio a chytuno ar Gynllun 2023 i 2024
Cynnal Noson Agored i Rieni a dysgwyr Bl.6 y clwstwr	21 Medi 2022	Gwybodaeth gyffredinol am yr ysgol, ymgysylltu â staff a'r safle Cefnogi anghenion lles dysgwyr
Cynnal 3 diwrnod Pontio i ddisgyblion Bl.6 Dysgwyr i gwrdd â Thiworiaid Bl.7 ar y trydydd diwrnod Pontio	5 Hydref 2022 13 Mehefin 2023 7 Gorffennaf 2023	Dechrau dod i adnabod dysgwyr Bl.6 Dysgwyr yn dechrau ymgartrefu Cefnogi anghenion lles dysgwyr Sicrhau parhad dysgu
Athrawes leithoedd Rhyngwladol Ysgol Llanhari i barhau i gynnal gwersi wythnosol ym Ml.5 a 6 yr ysgolion Cynradd	Wythnosol Gweler Amserlen CDS	Cefnogi cynnydd dysgwyr wrth bontio o'r Cynradd i Fl.7
Cynnal Noson Wybodaeth i rieni/ofalwyr dysgwyr Bl.6	21 Mehefin 2023	Sicrhau bod y broses o bontio ym Medi 2023 yn un llyfn
Pwyllgor CiG i gwrdd unwaith y tymor: -Gosod agenda ar gyfer yr Is-Bwyllgorau -Adrodd nôl ar gynnydd y cyfarfodydd, -Monitro effaith -Trafod diweddariadau CiG ac asesu	28 Medi 2022 27 Ionawr 2023 3 Mai 2023	Sicrhau parhad dysgu, o Fl.6 i Fl.7 Rhannu arfer dda Adolygu'r Cynllun Cwricwlaidd Cysoni prosesau asesu ble'n bosib

-Trefnu hyfforddiant perthnasol ar gyfer yr Is-Bwyllgorau (Arweinwyr MDaPh) a staff		
Is-Bwyllgorau'r MDaPh i gwrdd unwaith y tymor -Rhannu a chreu adnoddau i gefnogi'r cwricwlwm ac i sicrhau cynnydd a pharhad ar y continwwm dysgu -Trafod strategaethau asesu ac Asesu ar gyfer Dysgu a rhannu arfer dda	Gweler y Calendr Pontio	Sicrhau parhad dysgu, o Fl.6 i Fl.7 Cefnogi cynnydd dysgwyr unigol
Athrawon Bl.6 ac aelodau Pwyllgor y Cwricwlwm i gwrdd er mwyn trafod cynnydd dysgwyr Bl.6 Rhannu gwybodaeth am yr Asesiadau Personol.	Tymor yr Haf (dyddiad i'w gadarnhau)	Cefnogi'r broses o drosglwyddo gwybodaeth Sicrhau parhad dysgu Sicrhau cynnydd dysgwyr unigol
ALNCo a Phennaeth Cynorthwyol Lles Ysgol Llanhari i gwrdd ag ALNCo ac athrawon Bl.6 yr ysgolion Cynradd. Adnabod disgyblion ADY a rhannu gwybodaeth perthnasol.	Tymor y Gwanwyn a'r Haf	Sicrhau bod anghenion lles bob disgybl yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari Sicrhau dilyniant a pharhad yn y ddarpariaeth wrth bontio (ADY)
Cynnig cyfle i rieni/ofalwyr dysgwyr Bl.6 i ymweld â'r Hafan a chwrdd a'r tîm cynhwysiant	Ble'n bosibl yn nhymor yr Haf	Sicrhau bod anghenion lles bob disgybl yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari
Arweinydd Safonau Cyrhaeddiad Bl.7 i gwrdd ag athrawon Bl.6 er mwyn casglu gwybodaeth a chreu proffil cyflawn o bob plentyn	Tymor y Gwanwyn a'r Haf	Sicrhau bod anghenion dysgu pob dysgwr yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari
ALNCo a Phennaeth Cynorthwyol Lles i rannu gwybodaeth allweddol am ddisgyblion sy'n ymuno ym Ml.7	HMS Medi 2023	Sicrhau bod anghenion lles bob disgybl yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari

Cytunwyd ar y Cynllun Pontio hwn ar ran Byrddau Llywodraethol Ysgol Llanhari, Ysgol Gynradd Dolau, Ysgol Gynradd Gymraeg Tonyrefail ac Ysgol Gynradd Gymunedol Gymraeg Llantrisant:

Ysgol : Ysgol Llanhari
Enw: Mrs Meinir Thomas
Llofnod:

Ysgol : Ysgol Gynradd Dolau
Enw: Mr Gareth Evans
Llofnod:

Ysgol : Ysgol Gynradd Gymraeg Tonyrefail
Enw: Miss Nia Downes
Llofnod:

Ysgol : Ysgol Gynradd Gymunedol Gymraeg Llantrisant
Enw: Mr Ryan O'Neil
Llofnod: